

BOHLATSE BJA TSOGO



[Ngwanešu Orman Neville o bala Luka 24:1-32—Mor.]

[Bjale godimo ka letšatši la pele la beke, ka leselaphutiana kudu mosong, ba tlile lebitleng, go tliša dinoko tše ba di lokišitšego, le ba bangwe ba ba itšego le bona.]

[Gomme ba hweditše letlapa le kgokološitšwe go tloga lebitleng.]

[Gomme ba tsene ka gare, gomme ga se ba hwetše mmele wa Morena Jesu.]

[Gomme gwa tla go phethega, ge ba be ba tshwenyegilele ka yona, bonang, banna ba babedi ba eme hleng le bona ka diaparo tše di phadimago:]

[Gomme ge ba be ba boifa, gomme ba inamišeditše difahlego tša bona lefaseng, ba rile go bona, Gobaneng le nyaka yo a phelago magareng ga bahu?]

[Yena ga a mo, eupša o tsogile: elelwang ka fao a boletšego le lena ge a be a sa le ka Galelia,]

[A re, Morwa wa motho o swanetše go gafelwa ka diatleng tša banna ba badiradibe, le go bapolwa, gomme letšatši la boraro a tsoge gape.]

[Gomme ba eletšwe mantšu a gagwe,]

[Gomme ba bowa go tšwa lebitleng, gomme ba boditše ba lesometee dilo tšohle tše, le go bohle ka moka ga bona.]

[E be e le Maria Magadaline, le Joanna, le Maria mmago Jakobo, le basadi ba bangwe ba bego ba na le bona, ba ba boditšego baapostola dilo tše.]

[Gomme mantšu a bona a be a bonala go bona bjalo ka ditaba tša go fafatla, gomme ga se ba ba dumela.]

[Ka gona Petro a tsoga, gomme a kitimela lebitleng; gomme a inamela fase, a bona mašela a diaparo a beilwe ka bowona, gomme a tloga, a maketše ka boyenamong ka se se bego se phethagetše.]

[Gomme, bonang, ba babedi ba bona ba ile letšatši la go swana motseng wo o bitšwago Emause, e bego e le go tloga Jerusalema e ka ba mašemo a masometshela.]

[Gomme ba boletše mmogo ka dilo tše tšohle tše di diregilego.]

[Gomme gwa tla go phethega, gore, ge ba sa boledišana mmogo le go fa mabaka, Jesu ka boyena a batamela kgauswi, gomme a ya le bona.]

[Eupša mahlo a bona a be a širelwe gore ba se ke ba mo tseba.]

[Gomme o rile go bona, Ke mohuta mang wa dipoledišano tše le nago natšo seng sa lena, ge le sepela, gomme le nyamile?]'

[Gomme yo mongwe wa bona, yo leina la gagwe e bego e le Kleopa, a araba o rile go yena, A o mosetsebje a nnoši ka Jerusalema, gomme ga o tsebe dilo tše di diregilego kua ka matšatšing a?]

[Gomme o rile go bona, Dilo dife? Gomme ba rile go yena, Malebana le Jesu wa Nasaretha, e bego e le moprofeta yo maatla ka tiro le lentšu pele ga Modimo le batho bohle:]

[Le ka fao baprista ba bagolo le babuši ba rena ba mo gafetšego go ahlolwa go iša lehung, gomme ba mmapotše.]

[Eupša re be re tshepile gore e be e le yena yo a swanetšego go lopolla Israele: gomme ka ntle ga sohle se, lehono ke letšatši la boraro ge e sa le dilo tše di dirwa.]

[Ya, gomme basadi ba bangwe le bona ba sehlopha sa rena ba re dirile gore re tlabege, bao ba bego ba le lebitleng ka leselaphutiana;]

[Gomme ge ba hlokile mmele wa gagwe, ba tlide, ba bolela, gore le bona ba bone pono ya barongwa, bao ba boletšego gore o be a phela.]

[Gomme ba bangwe ba bona ba ba bego ba na le rena ba ile lebitleng, gomme ba e hweditše ebile bjalo ka ge basadi ba boletše: eupša yena ga se ba mmona.]

[Ka gona a re go bona, O mašilo, le ba pelo ya go tšwafa go dumela tšohle tše baprofeta ba di boletšego:]

[A Kriste o be a se a swanela go tlaišega ka dilo tše, le go tsena ka letagong la gagwe?]

[Gomme a thoma ka Moshe le baprofeta bohle, o ba hlatholletše ka mangwalong ohle dilo tše di amago yenamong.]

[Gomme ba batamela kgauswi ka motseng, moo ba ilego: gomme o dirile mo o ka rego o be a eya pejana.]

[Eupša ba mo phegelela, ba re, Dula le rena: ka gore ke go batamela mantšiboa, gomme letšatši le fedile. Gomme o ile ka gare go leta le bona.]

[*Gomme gwa tla go phethega, ge a dutše dijong le bona, o tšere borotho, gomme a bo šegofatša, le go bo ngwatha, gomme a ba fa.*]

[*Gomme mahlo a bona a buduloga, gomme ba mo tseba; gomme o timeletše go tloga pele ga bona.*]

[*Gomme ba boletše seng, A pelo ya rena ga se ya swa ka gare ga rena, ge a be a bolela le rena tseleng, gomme ge a be a re bulela mangwalo?*]

² Ke a go leboga, Ngwanešu Neville. Gomme “Mantšiboa a mabotse,” go lena bohole.

³ E bile letšatši le legolo go nna, letšatši le. E bile le legolo ka ditsela tše ntši. Nnete, ke tšofetše gannyane, lehono, kafao go le dira le legolwane gannyane, gomme ke ba nywaga ye megolwane. Eupša ke . . . E bile letšatši le legolo ka gore ke Paseka. Gomme, ka gona, letšatši le legolo ka gore se sengwe se diregile go nna letšatši le, seo ke nago le sona, nka se tsoge ka se lebala. E be e le kganyogo ya go tla pelong ya ka. Gore ke . . .

⁴ Bophelo bjohle bja ka ke maketše ka dilo, gomme gobaneng ke tswetšwe ka lefaseng le.

⁵ Ka gona ke be ke no nagana, mosong wo, ge ke be ke bolela ka Moshe. Gomme, yena, se se swanetšego go be se tlie ka monaganong wa gagwe ge a ithutile gore o be a le Mohebere! Gobaneng Modimo a ka tsoge a mo dumelala go godišetšwa ka paleising ya Farao, gomme ka gona a tšea lefelo, maemo ka lehlakoreng la morago la leganata, go hwetša se a bego a swanetše go se dira ka bophelong?

⁶ Gomme ka mehla ke be ke makala, bjalo ka mošemané, ka fao gore Modimo, ka matšatšing a pele, o be a bolela le nna. Ka gona ke a makala gobaneng A dumelatše seswantšho sela go tšewa. Ke a makala gobaneng A se dirile ka Jeremane le ka Finland. Ke maketše gore ke ka baka la eng dilo tše tšohle di diregile. Ke no se kgone go dumela gore e be e le ka baka la gore . . . Ka baka la gore, ga ke moreri, ga ke na le thuto. Ga ke ne bokgoni go ba moreri. E swanetše go ba se sengwe go fapano. Ke a dumela batho ba Modimo ba ka ditlemong. Ke a dumela ba ka ditlemong ka baka la motlwaе wa motho. Gomme, lehono, re na le masome a dikete ba ehwa tšatši ka tšatši, ka malwetši ao saense ya kalafo e ka se kgonego go a kgwatha, gomme ke bana ba Modimo. Gomme ke a dumela . . . Nka—nka no se phele go e bona. Eupša ke a dumela gore go tla iri, gomme yeo e ka no ba ka pela kgauswi, yeo Modimo a yago go dira se sengwe ka mokgwa wo, go netefatša gore O sa le Ramaatlakamoka Modimo. Ke—ke a e dumela. Ke e bone, ka kelo, eupša ke a dumela e be e le kelo ye nnyane go se re tla se bonago.

Bjale, ke swanetše go tloga, mosong, lebaka la sekgalá se sennyane sa go khutša.

⁷ Yeo, nna, lehono, nna ka meetseng ale... Ke kolobeditše, makga a mantši, eupša ke bile go tonyatonyi lehono go feta nkile ka dira bophelong bja ka. Ke bile go tonya kudu ga se ke kgone le go bolela. E be e no ba ka lebaka la “go kitimela tlase.” Ke be ke eya ge e sa le Krisemose, goba thwi morago ga Krisemose, go se le bošego bja go khutša. Gomme ga ke na le mokgohlane wo mobe, eupša ke no fokola le go kitimela tlase.

⁸ Ke ya tlase letsheng, gosasa, ge Morena a rata, go tšea matšatši a se makae a go khutša. Ke tla ba morago, Morena ge a rata, ka matšatšing a se makae. Gomme re tla kopana mmogo gape, pele ke eya ntle ka ditirelong, Modimo ge a rata, e lego e ka ba lesome, e ka ba matšatši a masomepedi go tloga bjale.

⁹ Ka gona ke ya morago, ka kgwedi ya go tlala, ka dinageng tša New England. Ke tla morago... Yeo ke kgwedi ka moka ya Mei, ka matšatši a mabedi, matšatši a mabedi goba a mararo go khutša.

¹⁰ Ka gona go tloga fao, ga ke sa na le bontši, e ka ba matšatši a mahlano, go fihla ke eya Afrika. Yeo ke gohle go kgabola kgwedi ya June.

¹¹ Gomme go ya go ba bothata. Ke ya go itshama ka kereke ye nnyane ye, batho ba, ba a nthapediša; ka gore ke a e hloka, ke e hloka gampe kudu.

¹² Gomme, le a tseba, ga go yo motee a ka tsogego a tseba, ka lehlakoreng le la Letago, se sohle se bilego, le ka fao mekatano yeo ke swanetšego go ya go e kgabola. Ga ke e bolele go batho. Ga go bohlokwa bja go e bolela go batho. Ba be ba ka se kgone go e kwešiša. Ebile ga ke e kwešiše. E no ba se sengwe, o no ya pele, nno ya pele.

¹³ Bjale, gore batho ba ba emego ba se swanele go ema botelele kudu, ke kgethile bakeng sa sehlogo, bošegong bjo, sehlogo se, bjalo ka ge Ngwanešu Neville a sa tswa go bala Luka 24, sa tsogo. Thuto ya ka bošegong bjo ke: *Bohlatse Bja Tsogo*. Gomme bjale, ge a be a sa bala, go be go le dilo tše mmalwa tše A boletšego ka tšona, mo, tše ke nyakago go šupa go tšona. Gomme ke gore, sa pele, gore ba ba ilego lebitleng, pele, mosong.

¹⁴ Bjale, ga go kgathale O hwile bontši gakaakang, le lehu la Gagwe le bile go šokiša bjang, ge go be go se tsogo, O be a no ba motho yo a hwilego. Le a bona?

¹⁵ Go bile banna ba bantši ba bagolo ka lefaseng la rena—la rena, ba ba dirilego ditleleime tše kgolo.

¹⁶ Mohlala, Confucius, rafilosofi yo mogolo wa China, o hwile e ka ba mengwaga ye makgolo a masomepedi tharo ya go feta.

¹⁷ Buddha, modimo moprefeta yo mogolo wa Japane, le yena o hwile e ka ba mengwaga ye makgolo a masomepedi tharo ya go feta; o dirile ditatamente tše kgolo, eupša o hwile. Gomme o dula ka lebitleng.

¹⁸ Go na le Mohammed, monyetla wa go ba lebitleng la gagwe, moo, lebaka la mengwaga ye dikete tše pedi, pere ye tšhweu e eme lebitleng la gagwe; go fetola bahlapetši diiri tše dingwe le tše dingwe tše nne, ba mo letetše go tsoga letšatši le lengwe, le go namela lefase fase, le go le fenza. Bomohammedan, e lego bodumedi bjo bogologolo ka palo, ka lefaseng. Ba feta Bakriste bohle, Makatoliki, ba beilwe mmogo. Eupša, efela, Mohammed o ka lebitleng.

¹⁹ Gomme mabodumedi a ohle, ge re bolela gore, “Jesu o tsogile go tšwa bahung,” ba re, “E netefatše.” Gomme re re, “Gabotse, O ka pelong ya rena.” Ba bolela gore bathomi ba bona ba ka pelong.

²⁰ Eupša ke thabile kudu gore Jesu o re tlogeletše wa go tia, motheo wa leswika wa tsogo ya Gagwe. Ga ra swanelo go makala. Ke Therešo. Selo sa go makatša ke, gore, batho ba bantši kudu ga ba e bone. Gomme ke maketše seo. Gomme, bošegong bjo, ke ya go leka go e batamela ka Lengwalo.

²¹ Bjale, ge le ka hlokomela, ba ba be ba le bitleng, ka leselaphutiana mosong. Ba kopane le Banna ba babedi, e bego e le Barongwa ka diaparo tša go phadima, ba ba rilego go bona gore O be a le . . . “Gobaneng le nyaka yo a phelago—yo a phelago magareng ga bahu?” Ba be ba ile lebitleng gomme ba hweditše gore O be a se gona. Gomme Ba botšištše potšišo ye ya go tsebalega, “Gobaneng le nyaka yo a phelago magareng ga bahu? Gomme O rile, ge . . . Dilo tše O le boditše, ge A be a sa le ka Galelia.”

²² Bjale, mohlomongwe le ka no bala ka godimo ga seo, eupša a re ithuteng seo nakwana. O rile, “O le boditše dilo tše ge A be a sa le ka Galelia.” Gobaneng ba se ba e kwešiša? Gobaneng ba se ba e hwetša?

²³ Gomme bohlokwa bjo bongwe bjo bogolo go yona šebo, gore, Bona ba ba mmoditšego se, goba ba boditšego barutiwa ba, ba be ba le lebitleng. Ba swanetše go ba ba bile le Yena le bona ka Galelia, ka gore Ba tsebile se Jesu a ba boditšego pele ga papolo ya Gagwe. Oo, a selo sa go šegofala! Le a bona, barutiwa bale ga se ba tsebe Barongwa bale ba be ba le fale, eupša Bona ka bohlatse ba be ba le fale, gobane Ba rile, “A Yena ga se a le botša se ge A be a sa le ka Galelia?”

²⁴ Gomme seo se phethagatša se Lengwalo le se boletšego, gore, “Barongwa ba Modimo ba dikaneditše bao ba Mmoifago.”

²⁵ Gomme a selo se segolo e lego sona, go tseba seo, bošegong bjo, thwi ka moagong wo, go na le Barongwa ba Modimo ba eme athenšene. Gomme Ba tseba lentšu le lengwe le le lengwe re le boleLAGO, le se sengwe le se sengwe seo re se dirago.

²⁶ Gomme še netefatšo ya Lengwalo ya yona. O rile, “A ga se A le botša dilo tše ge A be a sa le ka Galelia?” O rile, “Elelwang gore O le boditše dilo tše.” Lentšu lela, “elelwang,” leo ke lentšu la go kgahliša.

²⁷ Gomme, oo, a selo sa go nyamiša seo se yago go ba bakeng sa balahlegi, gore ka morago ga ge ba tswaletše tshenyego ya bona, gomme ka morago ga ge ba kwele theroy a bona ya mafelelo, le go ba godimo ka heleng ya diabolo, ba lahlegile, gomme go se sebaka le gatee go sokologa; go elelwa dibakabotse tše ba di gannego.

²⁸ Le re go nna, gona, “Moreri, a go na le go elelwa ka heleng?” Jesu o rile go bile. O rile monna wa mohumi yo a emišeditšego mahlo a gagwe godimo, ka heleng, gomme a bona Abraham, le Latsaro ka difarong tša Gagwe. “Gomme o rile, ‘Elelwa, ka nakong ya bophelo bja gago . . .’” Go na le go gopola.

²⁹ Gomme ka fao, balahlegi, a selo sa go befa se tla bago, go tseba gore dikopano tše kgolo tše ba bego ba di beile ka gare, gomme ba kwele dithero tše maatla tša badiredi ba ba tloditšwego ba Modimo; gomme e sego feela seo, eupša go bona maswao a a tloditšwego le matete ao Modimo a a dirilego magareng ga batho; gomme ka gona go elelwa tshebotšo yohle ye, gomme efela ba lahlega. Gobaneng, e tla ba tliaša go ya go ile.

³⁰ Ka morago ga lehu la Jesu, Beibebe e a re botša, gore, “O ile gomme a rerela disoulo tše di bego di le ka kgolegong, tše di sego tša sokologa ka go matšatši a go pelofala a Noage.” Le go tliša go go gopoleng ga bona gore Noage, le Henoge, le baprofeta ba bagolo ba matšatši a bona, ba hlatsetše gore go be go etla Mesia, gomme ba ganne Molaetša.

³¹ Oo, e tla ba selo sa go šiiša, mogwera wa ka yo a lahlegilego, go wena, ka letšatši leo, go elelwa. Ge o ehwa, fa, mediro ya gago e a go latela. Gomme e tla go hloriša go kgabola Bokagosafelego, goba go go šegofatša go kgabola Bokagosafelego.

³² Eupša, elelwang, a selo se segolo e swanetšego go ba sona, le thabo, go bao ba pholosítšwego, le go kgona go tliša, go lebana le dintlha, Barongwa ba ba lego ka moagong bošegong bjo, go tliša go gopola dikopano tše kgolo le dinako tše kgolo, le thabo ye kgolo ye re bilego le yona mmogo. A nako e swanetšego go ba pele, bakeng sa dihlopha bobedi, bobedi tše di pholosítšwego le tše di sego tša pholoswa!

³³ Modimo ke Modimo wa go loka. O pelofetše kudu! O tletše kudu ka boleta, le bonolo, le kgotlelelo! “Ga A rate gore e ka ba mang a lahlege.” Gomme O dirile se sengwe le se sengwe seo se ka dirwago, go thibela batho go senyega. Eupša ba tla senyega, go le bjalo, gobane ga ba dumele.

³⁴ Bjale, re tše go ithuta ga rena, bošegong bjo, go bona banna ba babedi, ka morago ga tsogo. Gomme ba bantsi ba tlide le go bolela ka lebitla la go se be le selo, ba boletše gore mmele wa Gagwe o be o se gona. Gomme basadi ba bangwe ba boletše gore ba bone pono ya Barongwa, yo a ba boditšego gore, “O tsogile go tšwa bahung.” Gomme, efela, ka molaetša wo ohle, efela batho

ba ga se ba dumela, gomme ba be ba nolegile moko, ba eya morago gae.

³⁵ Gomme go nagana ka, ka go Paseka ya pele, moso wo mobotse wa mathomo wa Paseka seruthwane, Jesu a phela magareng ga batho, gomme ba ba eya mmogo, ba nolegile moko, ba sepela go bapa le tsela, ka dipelo tše di nyamišitšwego, gomme ba tshwenyegile ka papolo. Gomme ge ba be ba sepela, re hwetša gore fao go be go le yo Mongwe Yo a tšwetšego ntle lehlakoreng la tsela gomme a thoma go sepela le bona. Gomme ba be ba sa tsebe O be a le Mang, gobane Lengwalo le bolela gore mahlo a bona a be a širilwe.

³⁶ Oo, fa ke moo ke nyakago le bone. E sego feela gore se sengwe se se diregile, eupša e be e le seprofeto, le moriti wa se sengwe se bego se eya go direga.

³⁷ Le a tseba, Morena wa rena wa go šegofala ga se nke a dira e ka ba eng go no tlaruma. Se sengwe le se sengwe A se dirilego se bile le tthaloso. Se sengwe le se sengwe se A se dirilego e be e le sa ka Gosafelego; ga se sa ke sa hwa; mosepelo wo mongwe le wo mongwe, tshepelo ye nngwe le ye nngwe, Lentšu le lengwe le le lengwe. Oo, ke thabela seo kudu. O ka no bea godimo ga yona, le tšohle di lego ka go wena, gomme e tla dirwa go bonagala.

³⁸ Gomme ge ba be ba sepela go bapa le tsela, Monna wa go se tlwaelege a sepelela ntle. Gomme bona, O—O rile go bona, “Gobaneng le nyamile bjalo?” Ba be ba swanetše go thaba. O rile, “Gobaneng le nyamile bjalo? Gomme ke eng poledišano ye yeo le bolelago ka yona?” Gomme O rile . . .

³⁹ Ba rile morago go Yena, “A O mosetsebje go dikologa Jerusalema? A ga O tsebe dilo tše di bego di eya pele? Re bile le Moprefeta ka Leina la Jesu wa Nasaretha. Gomme re holofetše go Yena, gore O be a tla ba Molokolli. Eupša le ke letšatši la boraro; gomme batho ba gaborena ba Mmapotše.”

⁴⁰ Gomme ba thoma go bolela kanegelo ya se se diregilego, ka fao A bego a hwile, ka fao ba bego ba Mo letetše go ba Molokolli yo mogolo, eupša ka fao Moprefeta yola wa Modimo wa Godimo Kudukudu a kgonnego go ema fale ka kwelobohloko, ka mare godimo ga sefahlego sa Gagwe, gomme a dumelela lešole go bea lešela go dikologa hlogo ya Gagwe, le go foufatša mahlo a Gagwe, le go Mo itia hlogong ka phata, le go re, “Bjale profeta, Wena moperfeti, gomme o re botše yo a Go iteilego. Re tla Go dumela.” Seo e be e le go feta ka fao batho ba bego ba kgoni go kwešiša. Ba be ba nagana gore Mesia o tla ba se sengwe go fapani le seo.

⁴¹ Gomme ge seo e se seswantšho sa therešo, lehono. Batho ba letetše Mmušo wa Modimo go fapani go feta se ka kgonthe O lego. Ba O letetše go tla ka go bothakga. Ba O letetše go phela ka toropongkgolo ya Vatican goba khateterale ye nngwe ye kgolo. Eupša ka gobane O O tliša magareng ga sehlopha sa ba go šokiša,

ba go se rutege, batho ba dipelo tša go kokobela, E foufatša mahlo a ba bohlale le ba tlhaologanyo.

⁴² Oo, a dikwero go mosadi yola go tšea le go kwera, go hlatswa maoto a Gagwe ka moriri wa gagwe, bjalo ka ge modumedi wa therešo a dirile. A dikwero go Mmona a lekeletše kua godimo ga sefapano, ka diatla tša Gagwe di kokotetšwe sefapanong, le go kwa moprista yo mogolo, o rile, “Bjale, ge O le Morwa wa Modimo, dira mohlolo fa. E no goga diatla tša Gago go tlemologa, gomme o tle fase go tloga sefapanong, gomme re tla Go dumela.”

⁴³ Bjale, ka monaganong wa motho wa tlhago; motho wa senama, motho wa kereke, moitiramodumedi. Gobane, phuthego ye nngwe le ye nngwe e swere mehuta ye meraro ya batho, ke gore: modumedi wa therešo, le moitiramodumedi, le mosedumele. Phuthego ye nngwe le ye nngwe e na le bona.

⁴⁴ Gomme go nagana gore Monna yo, Yo a butšego mahlo a difofu, a thibolla ditsebe tša difoa, gomme a tsošitše monna go tšwa bahung, yo a bego a hwile matšatši a mane, gomme a kgona go dira ditatamente tše bjalo ka ge A dirile; gomme ka gona o be a tla lekelela kua, ka mare godimo ga sefahlego sa Gagwe, gomme a dumelela moprista yo mogolo go rogana godimo ga Gagwe le go Mmotša dilo tše bjalo, gomme Yena ga se a ke a bula molomo wa Gagwe gomme a bolela lentšu morago, ka ngangišanong. Ka gore O rile, “Ke dira seo ka mehla se thabišago Modimo.” Gomme go be go thabiša Modimo go ba le seo go direga.

⁴⁵ Bjale re Mo šetša metsotso e se mekae. Bjale, barutiwa ba, ga se ba kgone go kwešiša gobaneng se se swanetše go dirwa. Kafao ge ba ile pele le go thoma go tšhollela ntle kanegelo, ka gona Jesu o a ba emiša. Le a bona, O tšweletše go bona ge ba be ba bolela ka Yena.

⁴⁶ Gomme ke ka baka leo A sa bonalego go ba bantši kudu ba batho ba kereke, lehono, ga ba bolele ka Yena go lekanel. Kereke ka mehla e bolela ka ditiro tše dingwe tše kgolo ba nago le tšona di eya pele, phathi tsoko ye kgolo ya leago, goba phikiniki tsoko ba yago go yona, goba sengwe tsoko se seswa seo ba yago go se dira, tše dngwe tša disosaete. Kereke e imetšwe kudu ke disosaete, go fihla e se ne sekgoba se itšego bakeng sa Kriste.

⁴⁷ Kereke ya kgonthe ka mehla ga e na morwalo go disosaete tšohle tše, le go retollela se sengwe le se sengwe go kopano ya thapelo, bao ba Mo tsebago le go Mo rata.

⁴⁸ Gomme šo O be a le. Ba be ba bolela ka Yena ge A tšwelela.

⁴⁹ Ge re ka tlogela go bolela ka baagišani ba rena, le go tlogela go bolela ka baikaketši ka kerekeng, le go bolela kudu ka Jesu, re tla ba le go bonagala go gontši ga Jesu; go bolela ka mabošaedi a moreri, go bolela ka mabošaedi a se sengwe gape. Gomme go no bolela ka Jesu, go tla ba dilo tše dintši di diregago.

Bjale, gomme ge ba be ba bolela, O tšweletše.

⁵⁰ Gomme ka gona, elang hloko, ge A tšweletše, ga A thome go tsea lehlakore le wena. “Oo, yeo ke nnete. Yo o swanetše go ntšhetšwa ntle. Gomme *ye* e swanetše go ba le modiša yo moswa. Goba, moagišani *yo* o go diretše phošo.”

⁵¹ Le a bona, ka pela ge A tšweletše, O thomile go rera Lentšu. Mohlanka wa kgonthe wa Modimo ka mehla o ya go Lentšu. O rile, “O mašilo, le go nokologa ga pelo go dumela tšohle baprofeta ba di boletšego ka Kriste.” Le bona ka fao, se, O se tlišitše ka gare? “A le a nokologa le go ba mašilo kudu, gore ga se la dumela se moprofeta a se boletšego?”

⁵² Go ka reng ge A be a ka bonagala, bošegong bjo? Ke tla no rata go botsiša se. O be A tla dira eng ka Tabarenekeleng ya Branham, bošegong bjo? A le nokologa kudu ka pelong?

⁵³ O be A tla dira eng ka Jeffersonville, bošegong bjo, moo Ebangedi e rerilwego lebaka la mengwaga ye masomepedi tlhano; maswao le matete, mehlolo, selo sa go se kamakege? Dilo tše di sego tša ke tša dirwa ge e sa le Jesu a tlogetše lefase, di dirwa letšatši ka letšatši. Balwetši ba a fodišwa, maswao le dimaka di a dirwa. Diprofeto tše kgolo di a dirwa, tše di sego tša ke tša palelwa. Ebangedi e rerwa ntle le go itšimeletša, gomme le bjale dipara le morethetho wa mmino di a laišwa bošegong bjo, ka Jeffersonville. Oo, re ka phonyokga bjang bogale bja Modimo?

⁵⁴ Ke boletše se makga a mantši, gomme ke se bolela le bjale, bošegong bjo. Ge Modimo a be a ka re lesa ra ya ntle le kotlo, O be a tla ba Modimo wa go se loke. O be a tla swanela go tsoša Sodoma le Gomora, le go kgopela tshwarelo go bona, bakeng sa go ba nweletše bakeng sa selo sa go swana seo re se dirago tšatši ka tšatši, le go ba go gobegobe. Le ge, e be e le sehlopha sa batho ba bahetene, eupša re swanetše go ba setšhaba sa Bokriste.

⁵⁵ Gomme ge A be a bolela le bona, gomme a thoma go hlatholla Mangwalo go bona, gomme e sego O be a no ba phaphatha ka magetleng le go ba fa thuto ye nngwe ye nnyane ya lesea, eupša O be a ba kgalema, gomme o rile, “Le mašilo, le ba pelo ya go nokologa. Gobaneng le ile la belaela se moprofeta a se boletšego?” Le bona moo A ilego? Thwi go Lengwalo.

⁵⁶ Gomme ba thoma go šetša le go theetša. O rile, “A Kriste o be a se a swanela go tsoga ka letšatši la boraro, le go tsena ka Letagong la Gagwe?” Gomme ge A be a eya mmogo, letšatši lohle botelele, a bolela, efela ba be ba sa Mo tsebe, gobane mahlo a bona a be a širilwe. A ka be a tswaletšwe, gomme ga se ba kgona go Mmona, goba, go Mo kwešiša.

⁵⁷ Bjale, fa ke moo ke nyakago go fihla, se ke nyakago le se bona. Woo e bile molaetša wa mathomo ka morago ga tsogo. Gomme ge A be a sepela le bona go kgabola letšatši lohle, ba be ba sa Mo tsebe. Efela, O be a na le bona, eupša Yena Yenamong o bile le mahlo a bona a tswaletšwe. Eupša ge e fihlile go leba bodikelatšatši, gomme Jesu o dirile mo o ka rego O tla ba feta.

⁵⁸ Ge seo e se feelsa tlwa se A se dirilego gape ka matšatšing a mafelelo, ka go dikeleng ga letšatši. A le hlokometše se A se filego kereke nako yeo, go kgabola letšatši? Go no rera Lentšu. Ga se A ke a dira leswao le tee goba matete. Ga se nke A bolela e ka ba eng eupša go no rera Lentšu ka tsogo, ka se moprofeta a se boletšego. Seo ke se A se dirilego go tloga matšatšing a go tloga ga Gagwe, go fihla letšatši le la mafelelo. Eupša bjale, oo, šegofatšang Leina la Gagwe, letšatši le a dikela, gomme O dirile mo o ka rego O be a ka se eme.

⁵⁹ Oo, ke kgona go nagana ka Fanny Crosby ge a goelela, “Se mphete, O Mopholoshi yo bonolo.”

⁶⁰ Gomme barutiwa ba ba rile, “Etsla gomme o dule. Dula le rena go kgabola leswiswi, gobane go ba thari.” Gomme O dirile mo o ka rego O be a eya pele, eupša ba Mo phegelela. Ka mantšu a mangwe, ba Mo kgopetše. Oo, ge re bile le bontši bja mohuta wa batho ba go kgopela!

⁶¹ Kgaetšedi, ngwanešu, a o a tseba Beibele e boletše feelsa go Moya wo Mokgethwa go maraka bao ba fegelwago le go lla bakeng sa makgapa a a dirilwego ka toropongkgolo? Bjale, ke nyaka go le botšiša potšišo. Re dira maikutlo a mantsi kudu godimo ga dikgopolole tša rena tša bodumedi, eupša ke mang a lego ka toropongkgolo, bošegong bjo, ka Jeffersonville, yo a amegago ka lefase le le lahlegilego, ka letšatšing le la mafelelo, yo ebile a tšeago metsotso ye masometharo, bošego, a rapelela dibe tša toropokgolo? Eupša go ya ka Lengwalo, Morongwa wa Modimo o be a le feelsa go swaya bao ba bego ba fegelwa le go lla bakeng sa makgapa.

⁶² Ga re sa na kgahlego gape. Re no nyaka go tseba gore re ka ba le nako ye botse. Re nyaka go tseba gore re ka ba le sosaete ye nnyane ka kerekeng ya rena. Re nyaka go tseba gore re na le bo-bo bouto e etla, ge go etla nako go kgetha modiša wa go latela. Re nyaka kereke ya rena go lebega bokaonana gannyane go feta kereke ya moisa wa go latela. Yeo ke kgopolo ya lefase le lehono. Ga go yo motee a kgopelago, “O Morena Modimo, etla go nna ka pela, goba ke tla senyega. Oo, se mphete, O Mopholoshi. O be o le mokgonatšohle. Wena Yo o lego motlalagohle, etla gomme o dule ka pelong ya ka, O Morena.” Ebile go bothata go dira monna goba mosadi go phagamiša seatla sa bona, go amogela Morena Jesu bjalo ka Mopholoshi. Panka ya fešene ya kgale ya balli e ntšhitšwe. Ga go sa na go lla. Ga go sa na go lla mo aletareng.

⁶³ E no nagana, ge Charles G. Finney, feelsa moreri wa Ebangedi, ramolao yo monnyane wa go sokologa, moisa yo monnyane wa go lebega go omelela, o be a leka digodišamodumo ka moagong. Gomme o rile, “Sokologang, goba le senyega.” Gomme monna a dutše ka toranang o idibetše gomme o wetše ntle. O eme ka bophagamong bja moago ka New England gomme a rera hele go balahlegi. Gomme ge a goeeditše, “O tla senyega

ge o sa sokologe,” banna ba ile ba idibala, le basadi, gomme ba wela ka mekgotheng.

⁶⁴ Eupša, lehono, o ka kgona go rera tshokologo le mollo wa hele le tshebela, gomme batho ba tla e sega. Bothata ke eng? Dipelo tša rena di a tonya. Ga re ba ba fapanego. Re na le bontši kudu. Re hloka bonnyane bja tša lefase le bontši bja Modimo. Dipelo tša rena di tonya kudu. Re ba le kgahlego ka go maikutlo tsoko. Re ba le kgahlego, “Ge—ge re ka kgona go bina; ge re ka kgona go goelela.” Ke dumela ka go yona. “Ge re ka bolela ka maleme.” Ke dumela go yona. Ke dumela go nthathana ye nngwe le ye nngwe ya seo. Eupša ge re na le seo, gomme re se na le woo wa go agiša, wa go lla, moywa go robega, Modimo a ka se tsoge a o šomiša. Tšona dilo ke tše botse, eupša re swanetše go ba le tše dingwe go sepela le wona. Re tlogetše selo sonasona, gomme re ile go sa bobedi; gomme o ka se kgone go dira se segologolo ka bonnyane. Re tseba seo.

⁶⁵ Ebile le ka dikopanong tša rena beng, dikopano tša rena beng di na le bontši kudu go fihla lefelong go nago le bontši kudu go phodišo Kgethwa, sebakeng sa phodišo ya soulo. Ngwanešu, se re se hlokago lehono ke tsošeletšo ya go thuba, disoulo di tuka bakeng sa Modimo. Se ke se rago, “mo mollong,” ke tlase aletareng, ka dikeledi di keleketla go theoga marama a bona. E sego lebaka la metsotso ye mehlano, gomme wa emeleta gomme wa e lebala. Eupša ntle go leka go thopela balahlegi morago go Kriste gape; morwalo pelong ya bona.

⁶⁶ Modimo, tšeа maipshino ohle a lefase, le menate yohle ya lona, le boithabišo bjohle bja lona, le go bea morwalo pelong ya ka bakeng sa balahlegi, e tla ba thapelo ya ka.

⁶⁷ Ba Mo phegeletše. “O Morena, ga re tsebe gore O mang, Mohlomphegi, eupša re rata theroy Gago. Etla ka gare, gomme o dule le rena go kgabola bošego.” Gomme Jesu o tsene ka gare. A sepela le bona, gomme ga se ba Mo tseba. Gomme ge gatee A tsene ka gare... E ka no ba mokhukhu wo monnyane, eupša ga go selo sa go kokobela kudu go Yena.

⁶⁸ O re, “Gabotse, Ngwanešu Branham, ke nna mokgalabje.” Ga ke kgathale o tšofetše bjang. “Ke no ba ngwana.” Seo ga se tshwenye gore o yo moswa bjang. “Ke modiidi kudu. Ke apere dioborolo.” Oo, ge o be o na le mokotla wa bjang o tatilwe go go dikologa, o be o ka se dire phapano go Modimo. E no Mo kgopela. O yo mogolo pele ga Modimo. O ka no se be bontši pele ga motho, eupša o yo mogolo pele ga Modimo. O yo mongwe wa balatedi ba Gagwe.

“Tsena ka gare gomme o dule le rena.”

⁶⁹ “Oo, ke be nka se kgone go Mo kgopela go tla ka gare ga ka. Ke be ke le letagwa. Ke be ke le lekempolara.” Ga ke kgathale se o logo. Mo kgopele, gomme o hwetše. O tla tla ka taletšo ya gago. Ga se A ke a gana e tee. Gomme A ka se tsoge a gana e

tee. O hlologetše le go leka go tsena ka dipelong. O re, “Ke bile mmalegogwana wa mokgotheng.” Ga ke kgathale se o bilego. Modimo o leka go šoma tsela ya Gagwe ka pelong ya gago.

E no re, “Etlakagare, Morena, gomme o dule le nna.”

⁷⁰ Gomme elang hloko, gohle go kgabola letšatši, O be a tliša Lentšu, eupša e sego maswao. Ge A ba tlišitše ka gare, le go tswalela mojako, le go dula fase, oo, ngwanešu, moo ke nako ye A utolotšego tsogo ya Gagwe. Ga go nako, go tloga mosong ge A kopane le bona, go fihla go dikela ga letsatši, A e dirile. Ga se A ke a dira selo se tee A se dirilego ka bophelong, feela Lentšu. Eupša hlokamelang, nakong ya mantšiboa, nakong ya mantšiboa, ke nako ye A netefaditšego tsogo ya Gagwe.

⁷¹ A nke ke bolele se ka boikokobetšo. A nke ke bolele se ka segalontšu se se robegilego, eupša pelo ye e robegilego, gape. Ke nako ya mantšiboa. Beibele e rile, “E tla ba Seetša nakong ya mantšiboa. Go tla ba le letšatši, leo e ka se bego bošego goba mosegare,” moprofeta o boletše. E tla no ba go kwa Lentšu, le se na le ponagatšo, e no ba leutu, letšatši la kgudi. Eupša nakong ya mantšiboa, Seetša se tla phadima gape. E tla ba seetša. Gomme ka go nako ye ya mantšiboa yeo bjale re phelago, moo Kriste, ka badiredi ba Gagwe, a rerilego Ebangedi lebaka la mengwaga ye dikete tše pedi, eupša se ke dietša tša mantšiboa. Dietša tša mantšiboa e be e le ponagatšo ya tsogo.

⁷² Neng? Ba be ba sa tsebe O be a tsogile go tšwa bahung. Le ge ba be ba Mo rata, ba be ba Mo dumela, eupša ba be ba sa tsebe gore O be a tsogile go tšwa bahung. Ba ile ba phegišana kgahlanong le yona. Gomme bjale, še yona nakong ya mantšiboa, O ya go ikutolla Yenamong, gore O tsogile go tšwa bahung. O e dirile bjang? E sego ka go rera Lentšu; O be a šetše a dirile seo, gomme go le bjalo ga se ba dumela.

⁷³ Gomme mengwaga ye dikete tše pedi ya go rera Lentšu, kereke le bjale ga e dumele. Eupša Seetša sa mantšiboa se tlide, ponagalo ya tsogo.

⁷⁴ Gomme O ba tšeetše ka gare, gomme O dirile mohlolo, goba o dirile selo feela boka A dirile pele ga papolo ya Gagwe. Ba tsebile e be e le Yena. Mahlo a bona a bulega.

⁷⁵ Gomme O timeletše, ka pela. Hlokamelang, e be e le molaetša wo mokopana. E be e se wo motelele kudu. Ga se A dula botelele le bona. O nno iponagatša Yenamong, gomme a timelela go tloga pele ga bona. Gomme mahlo a bona a ile a bulega gomme ba tsebile gore yoo e be e le Yena.

⁷⁶ Gomme ba rile, “A dipelo tša rena ga tša swa ka gare ga rena, ge A be a bolela le rena tseleng?”

⁷⁷ Gomme, oo, ngwanešu, kgaetšedi, dipelo tša rena di tukile gakaakang, go theoga go kgabola mengwaga. Ke bile Mokriste bjale lebaka la e ka ba mengwaga ye masomepedi šupa; aowa, e

ka ba mengwaga ye masomepedi senyane. Ke bile moreri lebaka la mengwaga ye masomepedi šupa. Gomme gohle go bapa, ge ke bala Lentšu la Gagwe, ge A bolela le nna, go a makatša. Pelo ya ka e a tuka, go kwa Lentšu.

⁷⁸ Eupša bjale Dietša tša mantšiboa di tlile. Letšatši le a dikela. Tlhabologo e ile. Lefase le bofelong. Bjale O bonagetše le go dira se sengwe magareng ga rena, go ikutolla Yenamong bjalo ka Kriste yo a tsogilego. Mahlo a rena a, a ka kgona go bulega. Re kgona go bona gore O a phela go ya go ile. Netefatšo ya phuding ke go e ja. Gomme yeo ke netefatšo ya tsogo. Ge Jesu a tshepišitše, Beibele e dirile, “O a swana maabane, Iehono, le go ya go ile,” gomme ga A netefatše seo, gona Lengwalo le fošagetše. Go theoga go kgabola mengwaga re bile le dithuto tšohle tše tša Lengwalo, eupša le ke letšatši la ponagalo, bakeng sa diponagalo tša tsogo.

⁷⁹ Bjale, ba dirile eng? Ge mahlo a bona a bulega, ba rile, “A dipelo tša rena ga tša swa ka gare ga rena?” Gomme ba potlaketše ka pela morago, go kopana le batho ba bona ka moka. Gomme ga se ba ye morago bjale, ba no ya go theoga tsela, le go re, “Gabotse, mohlomongwe e ka be e bile se sengwe gape.” Eupša ba be ba le phosithifi. Gomme ba kitimela go sehlopha sa bona beng, gomme ba rile, “Ka thereso, Morena o tsogile, ka nnete! Re a tseba gore O tsogile.” Ga se ba ye go ngangišana bodumedi bja bona. Ba nno ya gobane mahlo a bona a be a butšwe. Ba Mmone ka tsogong ya Gagwe.

⁸⁰ Gomme ke eng e tla bago selo se sebotse kudu, bošegong bjo, mogwera wa ka? Ke eng se se tlagoo ba selo sa letago kudu, bošegong bjo, ka letšatšing le la Paseka? Ke go bona Jesu yola wa go swana yoo a tsogilego go tšwa bahung, a etla ka magareng ga ye nnyane ye, ya kgale, tabarenekele ya go kokobela fa, yeo e re turetšego bonnyane go feta ditolara tše dikete tše tharo, mengwaga ye masomepedi ya go feta. Go tla ba bjang, ka go lefelo le lennyane le la go kokobela, go Mmona a etla mo, bošegong bjo, le go dira dilo tše A di dirilego pele ga go bapolwa ga Gagwe, go netefatša tsogo ya Gagwe?

⁸¹ Ga se A ke a e dira go fihla matšatšing a a mafelelo. Bjale O a e dira ka baka la gore O tshephišitše gore O be a tla e dira. Ke nako ya mantšiboa. Dietša di a phadima. Modimo o bula mahlo a bana ba Gagwe. Bona, ka dipelo tše bohwefo, ba kitimela morago, “Oo, O tsogile, ka nnete.”

⁸² Bjale, go na le batho ka moagong wo, bošegong bjo, bao ka kgonagalo ba tšwago Virginia, le gohle go dikologa godimo ga naga. Gomme—gomme, goba ga go kgathale moo o tšwago, o ka kgona go ya morago ka pelo ye bohwefo, mo letšatšing le la Paseka, ge Jesu a ka bonagala go wena boka A dirile go bona.

⁸³ Mohlomongwe o sepetše le Yena nako ye telele. Mohlomongwe o bile Mokriste lebaka la mengwaga, eupša ga se wa ke wa tsoge wa bona maatla a Gagwe a tsogo ya Gagwe a

bonagatšwa. Oo, ge A ka e dira bošegong bjo, a o tla Mo amogela bjalo ka Morena yo a tsogilego?

⁸⁴ Naganang ka yona bjale, ge re inamiša dihlogo tša rena feelsa nakwana bakeng sa thapelo. Ke ba bakae ba ka ratago go gopolwa ka thapel long ye? Phagamišetša seatla sa gago godimo go Modimo. Modimo a go šegofatše.

⁸⁵ Bjale, Morena Modimo, batho ba eme, maoto a bona a a krempa. Eupša, oo, ba a Go rata. Ba tlile, Morena, ka letšatšing le la tsogo. Ba tlile, mohlomongwe, go tšwa lebitleng la kgale la go se be le selo felotsoko, moo ba rerago Ebangedi ya go se be le selo, gomme ba rile, “Gabotse, matšatši a mehlolo a fetile.” Ke ka tsela yeo ba hweditšego lebitla, gobane O be a se gona. O be a tsogile go tšwa bahung.

⁸⁶ Eupša Kleopa le mogwera wa gagwe ba na le ba bantši ba etago le bona, bošegong bjo, ba e ahlaahlile, go bapela le tsela. Eupša, O Morena Jesu, ka dinakong tše tša mantšiboa, ke a rapela gore O tla bonagatša tsogo ya Gago go kereke ye nnyane ye, bošegong bjo. Netefatša go ba, ba ba emego kgauswi, gore O kokobetše. Ke gore, ge . . . Ga go kgathale e kokobetše bjang, O tla tla go lefelo e ka ba lefe moo O amogelegago, moo O nyakiwago.

⁸⁷ Gomme go na le ba bantši mo, Morena, ba ba hlokago. Ba bantši ba a babja gomme ba bantši ba a tlaišega. Ba bantši ga ba na le Wena, ntle le Kriste, ntle le Modimo, gomme ba nyaka thušo. Ke a rapela, Tate, gore O tla iponagatša Wenamong, bošegong bjo, go tabarenekle ye nnyane ye, gatee gape.

⁸⁸ O Morena Modimo, Wena o bile yo mobotse go mohlanka wa Gago. Mengwaga ye mentši ya go feta, lehono, ka ntlong ye nnyane ya kgale ya go lebega go se hlamatsege, ge mme wa ka yo moswa morago kua, a ka ba mengwaga ye lesometlhano bogolo, o butše lefastere, mosong ka leselaphutiana, gomme ke file kgoeletšo ya ka ya mathomo ye nnyane. O Morena Modimo, ke a Go leboga bakeng sa ngwaga wo mongwe le wo mongwe. Ke lewa ke hlong ka dilo tše dintši tše ke di dirilego tše di fošagetšego. Ke a rapela O ntshwarele. Gomme boitsholo botee bjo ke nago nabjo, Morena, gore ga se ke Go direle ge ke be ke sa le mošemane yo monnyane wa lesea. Nthuše, Morena.

⁸⁹ O Morena, ge ke hweditše mogau ka sefahlegong sa Gago, tiiša mmele wo wa go fokola. Mpshafatša maatla a ka. Mpshafatša maatla a ka a boswa, bjalo ka ge O dira dintšhu, le go bea hlogo ya ka godimo, Morena, le pelo ya ka fase, gore ke kgone go sepela, Morena, efela, le go bonagatša lerato la Gago go batho. Mphe lerato la go teba, boikgafo bja go fetišiša, bja go teba, bja go tlala bophelo, bophelo bja go tlalatladi, gore ke Go direle.

⁹⁰ Morena, bonagatša maatla a Gago bošegong bjo magareng ga batho, ka go fodiša balwetši le batlaišwa, go fa bohlatse go tsogo

ya Gago. Gomme re tla Go fa tumišo, Leineng la Morena Jesu re a e kgopela. Amene.

⁹¹ Ke rata yeo, Kgaetšedi Gertie. Ke ba bakae ba e tsebago, "Mokgethwa, Mokgethwa, Mokgethwa, Morena Modimo Ramaatlakamoka"? A re beng mohuta wa go e hama, mmogo bjale, gatee feels. Ke rata... Ke ba bakae ba ratago tšona dipina tša fešene ya kgale? Oo, o ka kcona go tšea wohle wo monnyane wa gago wa kgale wa go remelwa godimo, wa Elvis Presley, morethetho wa mantladima, leineng la Bokriste, o ka kcona go ba le wona. Mphe tšela tša fešene ya kgale, tša go hudua pelo, dipina tša lerato tša Ebangedi. Ee, mohlomphegi.

Mokgethwa, Mokgethwa, Mokgethwa, Morena
Modimo wa mašaba.

Legodimo le lefase di tletše ka Wena,
Legodimo le lefase di tumiša Wena,
O Morena Yo Godimodimo.

⁹² A seo ga se dire se sengwe go lena? E nong go rapela bjale, feelsa mmogo, ge re opela yeo gape bjale. E nong go rapela bjale, go Modimo, feelsa mohuta wa go itswalelala ka bowena, le go rapela bjale, ge re opela.

Mokgethwa, Mokgethwa, Mokgethwa, Morena
Modimo wa mašaba.

Legodimo le lefase di tletše ka Wena,
Legodimo le lefase di tumiša Wena,
O Morena Yo Godimodimo.

⁹³ Morena Modimo Yo Godimodimo, O bea letšatši diopiting tša lona. O beile ngwedi, dinaledi. O etše lefase ka go legoswi la seatla sa Gago, le go budula dinaledi. Wena o Modimo. O tsošitše Jesu go tšwa bahung, mengwaga ye makgolo a lesomesenyane ya go feta, le go Mmontša a phela, go re fa netefatšo yela ya go ſegofala, gore re letile bjale bakeng sa go Tla ga Gagwe Yo a tla dulago godimo ga terone ya Dafida gomme a tla bušago lefase ka khutšo le toko. Re ka se sa ithutha ntwa gape. Go ka se sa ba tlala le ge e le manyami. Go ka se sa ba manyami, go ka se be lehu gape. Dilo tša pele di tla be di fetile. Gomme, O Modimo, e kgauswi kudu mo seatleng!

⁹⁴ Tiiša dipelo tša bana ba Gago. Re fe, bošegong bjo, ditlhologelo tša rena. E sego bakeng sa renabeng, Morena, eupša gore re ke re be le bopaki bja tsogo ya Gagwe boswa ka pelong ya rena. Ke kokobetša pelo ya ka le go Go kgopela go nthuša. Gomme batheeletši ba kokobetša pelo ya bona le go Go kgopela go ba thuša, gore mmogo re ke re bone Morena yo a tsogilego.

⁹⁵ Etla ka magareng ga rena, Morena. Hlwekiša kereke ye. Ke bitša bakeng sa dikgaogelo tša Modimo. Morena, o se re ahlole. Ga re kgopele kahlolo. Re kgopela mogau. Re fe mogau, O Modimo wa ka Gosafelego, gomme bonagatša lerato la Gago le Bogona le rena. Ka gore re e kgopela Leineng la Jesu. Amene.

⁹⁶ Oo, ke no ikwela bontši boka go rapela. Pelo ya ka e nno tlatšwa! A netefatšo! Jesu o tsogile go tšwa bahung.

⁹⁷ Ga se kanegelo boka Santa Claus. Ge ke bolela se sengwe sa phošo pele ga bana ba lena, le ntshwarele; ga ke re go dira. Eupša ke dumela go go botša bana therešo. Le a bona?

⁹⁸ Ke nyaka go tseba Therešo. Ba mpoditše ka Jesu. Ge A se a tsoga go tšwa bahung, gona ke kanegelo ya semaka. Ge A sa swane maabane, lehono, le go ya go ile, gona ke kanegelo ya semaka. Gona, A ka no ba a hwile, ge A sa inetefatše Yenamong go ba Modimo yo a tsogilego.

⁹⁹ Eupša ke thabile kudu go tseba gore O tsogile go tšwa bahung, gomme O a phela bjale. O fa. Gomme mašabašaba a makgethwa a, bjalo ka ge ke boletše ka wona mosong wo, ga go yo motee a ka tsogego a šuthiša seo go tšwa pelong ya gago. A nke Modimo a bule mahlo a gago, bošegong bjo, moeti, le go go dira o tsebe gore Morwa wa Gagwe o tsogile go tšwa bahung, gomme o mo go iponagatša Yenamong.

¹⁰⁰ Bjale, ke botšišitše Billy ke ba bakae ba bego ba swanetše go rapelelwa. O be a sa tsebe. Ke ba bakae mo ba nyakago thapelo, mebele ya go babja, phagamišang diatla tša lena, gohlegohle moagong. Mogohle ka moagong, ba ba e nyakago. E tla ba bontši kudu, le a bona, ke ka godimo . . . Ke pedi tharong ya batheeletši. Go tla ba bontši kudu go leka go tliša mothalo wa thapelo go kgabola. Re ka se kgone go e dira. Ke mmoditše go fa dikarata. Gomme re tla leka go ba lokologanya le go ba tliša go kgabola, bontši ka fao re ka kgonago. Gomme ke a thanka . . . O fa lekgolo? Go lokile. Ee, o file dikarata tše lekgolo, gomme moago ga o dudiše ka godimo ga e ka ba makgolopedi le masometlhano, ke a thanka, goba se sengwe boka seo. Kafao, ka kgonagalo, bontši fa . . .

¹⁰¹ Ke ba bakae ba se nago karata ya thapelo, gomme o nyaka Modimo a go fodiša? Emišang diatla tša lena, mo gohle ka moagong, ba ba se nago karata ya thapelo. Go nyakile go ba seripa sa bona. Go lokile. Bjale go na le tsela e tee feela ya semolao ye re ka kgonago go e dira.

¹⁰² Go na le se sengwe ka monaganong wa ka. Go na le se sengwe ka pelong ya ka. Nka se kgone go se bolela go fihla ke tseba se ke bolelago ka sona. Ke a rapela. Ke swareletše go Modimo. Ke ya morago go lehlakore la morago la leganata. Ke—ke—ke swanetše go kopana le Modimo gape. Go no ba se sengwe. Ke swanetše go ya go mašabašaba ale gape, moo ke bego ke le mengwaga e se mekae ya go feta. Ke nyaka go bolela le Yena. Ke—ke Mmone ponong, gabedi. Ke a holofela ke tla kgonago Mmona gape pele ke tloga. Go na le se sengwe ke se hweditše go Mangwalong. Ga—ga—ga ke tsebe. Se bile pelong ya ka. Gomme nako le nako ge ke bolela ka sona, se sengwe se a direga. Gomme ke no . . . Ke godimo . . . Ke—ke lefelong, ga ke tsebe ke dire eng. Ke dumela

bodiredi bjo bjoo bjale ke nago nabjo bo a nyamalala, gore se sengwe se segolwane se ya go tsea lefelo la bjona. Beke ye yeo e latelago goba tše pedi, ke ya go mašabašaba a makgethwa, ge nka kgona, ka lehlakoreng la morago la leganata, go bona ge eba nka kgona go kgokagana le Morena wa ka. Nka se kgone go khutša, nka se kgone go ba le khutšo, go fihla ke Mo hwetša, go fihla ke hwetša gore se ke ka eng. Ga ke kgone go se kwešiša. Ga se A ke a tsoge a ntlhanogela; ga ke dumele O tla dira nako ye. Ke a ikgantša. Ke rapela go Yena go nthuša.

¹⁰³ E sego gore ga—ga—ga ke e nyake. Nna, nka kgona go tla morago mo le go rera, le go ya pele bjale. Ke a thanka ke na le bagwera ba go lekanelia mohuta wa thušo go ntlhokomela. Yeo ga se yona. Yeo ga se kgopolo. Bodiredi bjo ke nago nabjo, nka kgona go tšwelapele, ge Modimo a ka ba le nna. Nka kgona go tšwelapele.

¹⁰⁴ Eupša pelo ya ka ga se ya kgotsofala. Go na le botebo tsoko bo bitšago Botebo. Go na le se sengwe se sepelago. Go lebega o ka re nka bea diatla tša ka godimo ga sona, eupša, “Se kae, Morena?” Ga se sa ka. Ke sa batho ba Gagwe. Ke sa bana ba Modimo. Ke no ba dihlabelo.

¹⁰⁵ Ke nna mokgalabje. Matšatši a ka a—a fedile. Matšatši a ka a boswa a ile. Monna bogolo bja mengwaga ye masomenne senyane ga a sa le segotlane gape. Re tseba seo. Ngwaga wo mongwe gape gomme ke tla ba masometlhano. Ga se nna mošemane. Ke na le bana go ba godiša. Yeo ke therešo.

¹⁰⁶ Eupša, ngwanešu, ke na le mošomo wa Modimo go o dira, ka godimo ga se sengwe le se sengwe. Ke swanetše go tseba gore go kgalega mo go lego ka gona ke ga eng. Ke swanetše go ya go fihla ke e hwetša. Ke swanetše go Mo hwetša, felotsoko. Ke swanetše go tseba.

¹⁰⁷ Ke a thanka go ne ba bangwe ba dutšego fa, go tloga e ka ba mengwaga ye lesome goba lesomepedi ya go feta, go tšwa tabarenekeleng ye, ge ke dirile setatamente sela sa go swana fa nako ye nngwe. Ke ba bakae ba lego fa ba elelwago seo? E no lebelelang diatla tša kgale tše di šetšego. “Se sengwe ka fa,” ke rile, “go na le se sengwe, nka se kgwathago. Se batametše.” Bonnyane ke be ke sa tsebe, morago ga ge Morongwa a boletše tlase mo nokeng, pele ga lena bohole, gomme a rile, “Bjalo ka ge Johane a romilwe bjalo ka pulamadibogo ya go Tla ga pele, o tla romela Molaetša go dikologa lefase.” E diregile. Setšhaba se sengwe le se sengwe se na le ditirelo tša phodišo di a ya bjale, go dikologa lefase, ebile le godimo ka Russia. Ee, mohlomphegi. Mogohle, ditirelo tša phodišo di a kgatlampana, moo e roretšego.

¹⁰⁸ Bjale go na le se sengwe se segolwane, se a sepela. Go na le . . . Ke letile go kwa modumo wa go kitima ga mahlare a mourupe. Ke ya pele. Nthapedišeng.

¹⁰⁹ Bjale, bjalo ka ge ke le ka go bodiredi bjo, ponagalo ya tsogo ya Jesu Kriste. Ge A phela, O boloka tshepišo ye nngwe le ye nngwe. Ke mang a Mmolokilego a phela lebaka la mengwaga ye ye dikete tše pedi? Ke mang a bolokilego Seetša sela sa Gosafelego se tuka? Bjale ke dinako tša mantšiboa. Ponagatšo ya Gagwe ya se sengwe seo A se dirilego, boka A dirile pele ga papolo, O iponagaditše ka Yenamong go barutiwa. [Ngwanešu Branham o thwantšha menwana ya gagwe—Mor.] Ba e lemogile, ka pela, yoo e be e le Yena. Bjale O tla dira sa go swana.

¹¹⁰ Ke ba bakae ba bilego ka dikopanong tše dingwe tša ka? A re boneng diatla tša lena, gohlegohle moagong. Ke a thanka ke lekgolo la phesente, kafao ga ka swanelo go ya go e kgabola. Le tseba se le ka se letelago.

¹¹¹ Ke ba bakae ba hlogetšego le go leta go Mmona gape, bosegong bjo, mosepelo lefelongtiragalo, “A O Jesu yo a tsogilego?” Modimo a le šegofatše. Bjale go no laetša gore O a phela.

¹¹² E be e le eng? [Yo mongwe o re, “X.”—Mor.] X? Go lokile. A re nong . . . Re ka se kgone go bitša ba bantši kudu, nako. Re ka kgona go ema, mohlomongwe, ba bane goba ba bahlano ka nako, goba se sengwe. Go lokile.

¹¹³ A re thomeng ka dikarata tša thapelo bjale, gomme re thome go ba emiša. A re hwetšeng nomoro tee. Ke mang a nago le yona? Lebelela karata ya gago. Nomoro tee. Tee? [Yo mongwe o re, “Thwi fa, Ngwanešu Bill.”—Mor.] Oo, ke maswabi. Go lokile, mohumagadi. Tee. Nomoro pedi. Nomoro tharo. A o ka kgona go emelela, e ka ba mang a nago nomoro tharo? Nomoro nne. Nomoro tlhano. Nomoro tshela. Ga ke bone nomoro tshela. Tee, pedi, tharo, nne, tlhano. Nomoro tshela. Go lokile. Nomoro šupa. Nomoro šupa, hle. Thwi mo. Kafao, seswai, nomoro seswai. Nomoro senyane. Go lokile, mohlomphegi. Nomoro lesome. Morago . . . A re boneng ke ba bakae re . . . [“Go ne lesome.”] Go lokile. A re thomeng thwi fale, gomme gona re kgona go bona, mohlomongwe re ka hwetša ba se bakae gape.

¹¹⁴ Ke ba bakae ka moagong ba ba sa ntsebego? Ga ke go tsebe, gomme o nyaka Modimo a go fodiša, phagamišetša seatla sa gago godimo. Bohle ba ba tsebago gore ga ke le tsebe. Go lokile. E nong go ba le tlhomphokgolo.

¹¹⁵ Bjale, Morena wa rena Jesu, ge A be a sepela lefaseng . . . Ge ba sa lokologanya batho. Morena wa rena Jesu, ge A be a sepela lefaseng, ga se A ke a teleima go ba mofodiši. Ke ba bakae ba tsebago seo? O rile, “Ke Tate wa Ka yo a dulago ka go Nna.” Ke ba bakae ba tsebago gore O rile, “Ga Ke kgone go dira selo ka go Nnamong; eupša se Ke bonago Tate a se dira, seo Morwa o a se dira”?

¹¹⁶ Bjale, gomme ge A hweditše monna ka go mo—mo . . . monna. Gomme O ipoletše Yenamong pele ga moloko wa Bajuda. O dirile

mohlolo, ka go botša monna mo a bego a le gona le se a bego a se dira. Gomme ba Mo dumetše.

¹¹⁷ Gomme ge A ipoletše Yenamong go moloko wa Samaria, O boditše mosadi se sephiri sa gagwe e bego e le sona, gomme o Mo dumetše, le morafe ka moka. A yeo ke nnete?

¹¹⁸ Eupša elelwang, Yena ga se a ke a dira seo go Montle, le gatee ka bogoneng bja Montle. Gobane... Ke ba bakae ba tsebago gore le e bile lebaka la Bantle? Eupša Dietša tša mantšiboa di ttile bjale. Ke mohuta mang wa Seetša se se phadimago? Ke mohuta mang wa Seetša seo se phadimago ge Morwa a eya tlase? Morwa wa go swana yo a phadimilego ka Bohlabela ge Se etla godimo. A le dumela seo? A ke Morwa yo a swanago yo a ilego go kgabaganya lefase? Morwa wa go swana yo a lebeletše godimo le go laetša Seetša morago mo. Gomme e be e le leswiswi go kgabola letšatši, feela letšatši la kgudi; gomme ka gona, feela pele Morwa a eya tlase, Se phadimile gape. E swanetše go ba Seetša sa go swana se phadimilego morago kua. Se be se tla phadima go Mosamaria le go Mojuda, morago kua, gomme e sego go Montle; gona O swanetše go phadimiša Seetša sa go swana godimo ga Montle, gore a be wa go swana maabane, lehono, le go ya go ile. A yeo ke nnete? Bjale, le a dumela.

Bjale Kgaetšedi Gertie, ka setu ka kgonthé, feela nakwana.

¹¹⁹ Bjale, ka go mothalo wo wa thapelo, go na le ba bantši ba lena, ke a thanká, ga ke ba tsebe. Ke ba bakae ba lena ka kua, ba ke sa tsebego gore phošo ke eng ka lena, goba selo ka lena? Le a e tseba. Phagamišetšang diatla tša lena godimo, lena ba le lego ka mothalong wa thapelo, ba le tsebago gore ga ke tsebe selo ka lena.

¹²⁰ Ke ba bakae ka batheeletšing ba tsebago gore ga ke tsebe selo ka lena. Ga ke kgathale ge eba o tikologong fa, bjale, ga ke tsebe selo ka wena. Go lokile. Go lokile. E no dumela.

¹²¹ Bjale, Morena wa rena o be a eya nako ye nngwe go—go tsoša yo monnyane, mosetsana wa go hwa, gomme mo—mo mosadi o kgwathile kobo ya Gagwe. Gomme A retologa gomme a re, “Ke mang yo a Nkgwathilego?” Gomme yo mongwe le yo mongwe a homola. Ba ganne ba Mo kgwathile. Eupša A lebelela go dikologa...

¹²² Gomme ba bangwe ba bona ba Mo kgadile, Petro, gomme o rile, “Morena, O ka bolela bjang ke mang a ‘kgwathilego’ Wena, gomme lešaba ka moka le a Go kgwatha?”

¹²³ O rile, “Eupša Ke—Ke... Bokwala bo tlogile go Nna,” seo ke, “maatla.”

¹²⁴ Gomme O lebeletše go dikologa go fihla A hweditše yo... O tsebile bjang gore mosadi e be e le mang? E be e le tumelo ya gagwe mong; ka gore, O boletše bjalo. “Tumelo ya gago e go

phološitše. Taba ya gago ya madi, yeo o bilego le yona, e fedile. Tumelo ya gago e go dirile o fole.”

¹²⁵ Yoo ke Jesu Kriste lehono, yo a bego a le maabane. Ge A ka kgona go dira selo sa go swana lehono, gona O netefatša Yenamong go swana.

¹²⁶ Go bonala o ka re ke swanetše go tseba mosadi yo mo. A o motho wa mathomo? A o . . . Nka no go tseba. Ga ke go tsebe. Sefahlego sa gago se lebega go tlwaelega. Ga ke tsebe. Eupša, e ka ba eng e lego, emeleta gomme o tle fa motsotso. Ke nyaka go re, ke a go tseba . . . Nka no se ke. Ga ke tsebe leina la gago. Eupša go bonala o ka re ke go bone, gomme mohlomongwe ke dirile. Eupša ga ke tsebe o mo bakeng sa eng. Ga ke ne kgopolو ya se o lego fa bakeng sa sona. Gomme ga ke tsebe gore ke a go tseba. Eupša e no . . . O lebega go tlwaelega, sefahlego sa gago. A nkile ka go tseba? O—o, ga se nke ka go tsebe. Go lokile, gona o mosetsebje. Sefahlego sa gagwe se bonagetše go tlwaelega go nna. Ke be ke no se tsebe. Ke be ke nyaka go ba le nnete.

¹²⁷ Bjale yo mongwe le yo mongwe o a lemoga, ge o na le semoya e ka ba sefe ka wena, le gannyane, gore se sengwe se a kgatlampana gonabjale. Oo, a ga le kgone—ga le kgone go no . . . Ga la swanelia go Se kwa, eupša le a Se kwa. Ke a tseba gore Morongwa yola wa Modimo o thwi fa mo tesekeng ye. Le bona seswantšho sela fale, Seetša sela? Seetša sela se thwi fa bjale.

O re, “Ga ke Se bone.”

¹²⁸ Ebile ga se ba bona Barongwa bale ba ba boditšego, “O le boditše se ka Galelia.” Ba be ba le kua.

¹²⁹ Gomme O mo. Yena ke Kriste, Yena yo a tsogilego. Ke ba bakae ba tsebago gore Kriste o ka sebopego sa Seetša, lehono? Kgonthe. Beibele e rile ke Yena.

¹³⁰ Bjale ebang le tlhomphokgolo ka kgonthe bjale. Le se sepele tikologong. E ka ba kae o lego, nno rapela.

¹³¹ Bjale ge re le basetsebane go rena seng . . . Gomme Morena Modimo, ge A . . . Ge o babja, gomme ge ke be nka kgona go go fodiša, ke—ke be ke tla e dira; eupša ke be nka se kgone. Nka se kgone go e dira, gobane e šetše e dirilwe. Jesu o e dirile ge A ehwa mo Khalibari, a tsoga. O e netefaditše. Gomme bjale, ge A ka nkutollela seo o lego fa bakeng sa sona.

¹³² Bjale, ge A ka be a eme fa, a apere sutu ye, O be a tla tseba gore o be o le mang. O be a tla tseba, ge Modimo a e utollotše go Yena. O rile, “Ga Ke dire selo go fihla Tate a Mpontšha ke dire eng.” Gomme ge A ka be a be a le fa, gomme O be a tla utolla go wena, mohlomongwe o mang, o tšwa kae, leina la gago o mang, se o se dirilego pele o etla go tirelo, goba se o nago le sona pelong ya gago, goba se sengwe boka seo. Eupša, bakeng sa phodišo, ke mošomo wo o feditšwego. O šetše o feditšwe. Bjale, ge A ka

dira selo sa go swana, a o tla dumela gore o tla hwetša se o se kgopelago?

¹³³ A batheeletši ba ka phagamišetša seatla sa bona go Modimo, gore le tla e dumela, le lena, ge A ka utolla go mosadi yo? A nke a be moahlodi.

¹³⁴ Bjale ge e ka ba mang a nyakago go tla go tšea lefelo le, o amogetšwe.

¹³⁵ Bjale fa ke moo ke yago go hwetšwa moaketši, le Lentšu la Modimo e se la therešo, goba ke bolela Therešo gomme Lentšu la Gagwe ke kgonthe. Nnete. Ke lena bao. Go ka se be le e ka ba ofe—go ka se kgone go ba e ka ba ofe a etla tikologong ye. Se se a e bontšha. Se se a e dira.

¹³⁶ Bjale ge mosadi a babja, gomme ka bea diatla tša ka godimo ga gagwe, ka re, “O ya go fola, kgaetšedi,” o no ba le lentšu la ka bakeng sa seo. Eupša ge Moya wo Mokgethwa o utolla se sengwe seo se bego se le ka bophelong bja gagwe, ka morago, o tseba ge eba yeo ke therešo goba aowa, se sengwe seo se bilego. Ge A tseba se se bilego, ka kgonthe O tla tseba se se tla bago. A ga le dumele seo?

¹³⁷ Bjale a nke A e fe go wena, kgaetšedi wa ka. Gona batheeletši bohole ba rile ba tla dumela.

¹³⁸ Gomme wena le nna, basetsebane, mmogo, gomme re no kopana mo nako ye; wena o emego fao, se sengwe se fošagetše. Ga ke tsebe ke eng. Ga ke tsebe. Ka gore ga ke go tsebe, gomme ke be nka tseba bjang seo—seo o bego o le sona, seo se bego se fošagetše ka wena? Eupša Modimo o tseba se e lego phošo ka wena.

Bjale le no ba tlhomphokgolo ka kgonthe.

¹³⁹ Bjale, mohumagadi ga a mo bakeng sa gagwemong, le go thoma. O mo bakeng sa yo mongwe gape; yoo ke yo monnyane. Gomme le na le bothata ka . . . Le tšhogile ka nnete. Ke setlogolo morwa, ke a dumela, sa gago. Gomme go na le se sengwe sa go tlabia. Ke bona lesea lela ka toropongkgolo yeo e sego toropokgolo ye. Le lebega bjalo ka New Albany. Yeo ke nnete. Gomme le na le seemo sa letšhogo. Le na le se sengwe sa phošo ka sebete sa lona, kafao ba a bolela. O ne bontši bja go hlatša. Yeo ke nnete. O bile le go tshwenyega ka lona, gomme o emetše yena yola. Seo ke O RIALO MORENA.

¹⁴⁰ O be moahlodi. A dilo tšeо ke therešo? [Kgaetšedi o re, “Amene.”—Mor.] Ga ke tsebe se ke go boditšego. Theipi e a tseba. E a bolela. E tla mpotša. Bjale, e be e le bakeng sa yo mongwe gape, ka tsela ye nngwe. Bea sakatuku seo godimo ga yo mongwe gape, seo o bilego le sona ka seatleng sa gago ge tlotšo yela e be e le godimo ga gago, gomme o se belaele, gomme o tla ba le se o se kgopelago. Ge A tseba se se bego se le, O tseba se se tla bago. Se belaele. Sepela, o dumela.

¹⁴¹ O dira bjang, mohlomphegi? [Ngwanešu o re, “Tumišang Morena.”—Mor.] Ke a nagana re basetsebane seng sa renā. [“Ka phethagalo.”] Re basetsebane.

¹⁴² O rile ga se nke a ke a mpona pele, ka bophelong, go fihlela mosong wo. Bjale, yo mongwe le yo mongwe tlhomphokgolo ka kgonthē bjale. Tlotšo e šetše e ratha bjale, le a bona. Ke duma ge nkabe ke kgona go hhaloša se.

¹⁴³ Eupša Modimo o a go tseba, mohlomphegi. Gomme ge Morena Modimo a ka nkutollela seo bothata bja gago e lego, a o tla Mo amogela bjalo ka mofodiši wa gago, goba Mophološi, eng kapa eng o Mo nyakago bakeng sa sona? O tla dira? [Ngwanešu o re, “Ka nnete ke tla dira.”—Mor.] Bjale ge pono e ratha, le no e theetša.

¹⁴⁴ O leka go sepela go kgabaganya lebato. Gomme ke se sengwe ka letolong la gago. Ke atheraithisi ka letolong la gago. O na le bothata, gape, ka mahlo a gago. A ba go fokola kudu. Gomme o na le bothata ka tsebe ya gago. Gomme o na le bothata ka mogodung wa gago. Yeo ke therešo. Ga o tšwe toropongkgolo ye. O tšwa Somerset, Kentucky. Leina la gago ke Mna. Hudson. Bjale eya morago, dumela ka pelo ya gago yohle, gomme o tla fodišwa. E dumele ka pelo ya gago yohle.

¹⁴⁵ A o dumela ka pelo ya gago yohle, yo mongwe le yo mongwe? Eba le tumelo go Modimo. O se belaele, eupša nno dumela.

¹⁴⁶ Morena Modimo o a go tseba, kgaetšedi. A o a dumela A ka nkutollela seo o lego fa bakeng sa sona? [Kgaetšedi o re, “Ke a dira. Ke a e tseba.”] Ge A ka e dira, a o tla e amogela? [“Ee.”]

¹⁴⁷ Moisa yo mogolo yo a dutšego fa, ee, ke a dumela re basetsebane seng sa renā, mohlomphegi. [Ngwanešu o re, “Ee, mohlomphegi.”—Mor.] Eupša feela dinakwana di se kae tša go feta, ge ke be ke bolela le monna yola, se sengwe se diregile go wena. O boletše ka pelong ya gago, “Ke dumela seo.” Yeo ke therešo, a ga se yona? [“Amene.”] Ge Morena Modimo a ka nkutollela seo o nyakago go fodišwa go sona, a o tla e amogela? [“Ee.”] O na le mohuta wa go kgohlola wo o go tshwenyago. Yeo ke nnete. Phagamišetša seatla sa gago godimo. Go lokile. Ge o ka e dumela, o ka se tsoge wa ba le gona gape. Go tla tloga go wena. E dumele.

¹⁴⁸ O kgwathile eng? O dirile eng? O kgwathile Moprista yo Mogolo, e sego nna. Seo se ka kgona... Ga se ka ke ka bona monna. Ga ke tsebe selo ka yena.

¹⁴⁹ A le dumela ke Jesu yo a tsogilego? A se ga se sona selo sa go swana A se dirilego ka morago ga tsogo ya Gagwe, go netefatša gore O be a le Yena wa go swana? Ba bangwe ba re, “Wola ke mohuta mang wa moyā?” Moya ka mehla o tla bea bohlatse bja wonamong. Ma... Rena re makala; Yena ke Morara. Morara wa lefodi o tla enywa mafodi; morara wa terebe o tla enywa diterebe;

mohlare wa moapola o tla enywa diapola. Bophelo bja Bokriste bo tla enywa Kriste. Ga se selo sa go tlaba.

¹⁵⁰ Mahlo a gago a ya go ba a mabe, gomme o nyaka thapelo bakeng sa leihlo la gago. Yeo ke nnete, a ga se yona? Yeo ke nnete. Phagamiša seatla sa gago. O a bona, ga ke go tsebe, eupša Modimo o a dira. Eupša bophelo bja gago, o be o ka se kgone go utama.

¹⁵¹ Fa, ke bona se sengwe gape, sepetlele. Bjale nakwana feela. Ga se tlhahlofo ya leihlo. Ga se yona. Ke karo. Ga se wena. Ke mogwera wa gago, yo a bilego le karo. Gomme seo ke se sengwe, karo ya go phatloga, gomme o boifa ka yona, gobane o a tseba e be e le se sengwe go fapania le go phatloga. Yeo ke nnete. Yeo e be e le ka Corydon, Indiana. Yeo ke therešo. O a dumela bjale ka pelo ya gago yohle? [Kgaetšedi o re, "Nnete ke a dira."—Mor.] Sepela, gomme o amogele se o se kgopetšego, Leineng la Morena Jesu.

¹⁵² Ke tseba sefahlego sa gago. Ge ke sa foš-... Nnete, ye ke tlotšo, le a bona. Eupša, bokaonekaone ke bo elelwago, a ga o moreri? O a bona, ke be ke no nyaka go tseba, gore phu—phu phuthego e tla bona ga se selo... E no ba se sengwe, ge ke tseba e ka ba mang, ke—ke a ba tseba. Eupša ga ke tsebe o fa ka eng. Ga ke na le kgopololo. Ge seo e le therešo, emišetša seatla sa gago godimo. Ga ke tsebe gore o mo bakeng sa eng. Eupša ke a tseba o moreri go tšwa ntłe tikologong ya Blackiston Mill, goba felotsoko ntłe kua. Gobane, o tlide ntłong ya ka nako ye nngwe, ke a dumela, go rapelela lesea goba se sengwe. Ke... Ya. Ke a tseba e be e le se sengwe ka lesea. Ya.

¹⁵³ Eupša o tlaišega ka mohuta tsoko wa bothata ka maleng a gago. A nke ke go botše, morago o tla tseba ge eba ke mohlanka wa Modimo goba aowa. O na le yo mongwe pelong ya gago, go mo rapediša, gomme yoo ke mosetsana wa segole. Ga a mo. O mošola wa noka. O ka Kentucky. Bjale dumela ka pelo ya gago yohle, o ka ba le se o se kgopelago. Amene.

¹⁵⁴ A o a dumela? Ge o ka kgona go dumela, o ka kgona go amogela. O se ke wa kamaka. Go reng ka morago ka batheeletšing? A le a dumela?

¹⁵⁵ Moragorago kua, mohumagadi wa lekhilate o dutše feela ka gare go la nngele, o na le tšašarakano ya sesadi, e dutše ka gare, go la nngele. Ge o dumela ka pelo ya gago yohle, mohumagadi, o ka ba le phodišo ya gago. A o a e dumela? Yeo ke nnete. Mohumagadi wa lekhilate a dutšego hleng le kota, ka thoko ga monna. O na le seatla sa gagwe godimo bjale. O na le tšašarakano ya sesadi. Go lokile. Morena Modimo o go fodišitše, kgaetšedi. Tumelo ya gago e go dirile o fole.

¹⁵⁶ A ga le kgone go bona Seetša sela se lekeletšego godimo ga mosadi yola fale? Lebelelang fale.

¹⁵⁷ Oo, go makatša bjang! Morena Modimo ga a tsoge a šitwa. Ebang tlhomphokgolo. Oo, ke thabile kudu O a phela. O phela ka pelong ya rena.

¹⁵⁸ “Ge o ka kgona go dumela, dilo tšohle di a kgonega.”

¹⁵⁹ Ke a nagana re basetsebane seng sa rena. Ga ke go tsebe. Ga se nke ka ke ka go bona. Eupša Modimo o a go tseba. Ge eba nkile ka go bona, ga se ke tsebe. Eupša ge Morena a ka nkutollela seo o se emetšego fa, a o tla ntumela go ba mohlanka wa Gagwe, wa dumela gore O tsogile go tšwa bahung? Ge re le basetsebane, go swanetše go ba mohuta tsoko wa maatla a e utollago go nna, seo o lego mo ka sona. O mo ka baka la ditšhika tša go phota madi tše o di rapedišago. Yeo ke nnete.

¹⁶⁰ Bjale rapelela yo mongwe gape, gomme o hwetše ge eba ke mohlanka wa Modimo. E no rapelela yo mongwe gape, gomme o bone ge A ka kgona go e utolla.

A o a dumela?

¹⁶¹ Gabotse, o tšhogile, gomme o na le bothata bja pshio. Gomme o dula ka Corydon. Yeo ke nnete, a ga se yona? Gona, o a dumela? Bjale sepela gomme o amogele feela bjalo ka ge o kgopetše.

¹⁶² Ke a go kgopela. Ke hlohla tumelo ya gago go e dumela. E ka ba kae ka moagong, ga go kgathale moo o lego, nno e dumela.

¹⁶³ Tsela yohle ka morago, lesogana le eme morago kua, a rapediša mogwera wa gagwe ka Fort Wayne, yo a foufetšego. A o a dumela Modimo o tla mo fodiša? [Ngwanešu o re, “Amene.”—Mor.] Go lokile, gona o ka ba le yona.

¹⁶⁴ Ba bangwe ba lena ka moka morago kua, le a dumela. Moragorago, moragorago, le a dumela. Hlohla, E hlohle. Modimo a be le kgaogelo.

¹⁶⁵ Mohumagadi wa lekhalate a dutše thwi tlase ka tlase ga gago fale, ka sešo. O a dumela Morena o tla go fodiša, mohumagadi; thwi go setulo sa morago, sona setulo sa morago morago fale, ye nnyane, a rwelego kefa ya nkgokolo, a phagamišetša seatla sa gagwe godimo? A o a dumela Modimo o tla go fodiša sekutu seo? Ge o dira, phagamišetša seatla sa gago godimo gomme o se šišinye go Yena. Go lokile. Gona eya gae gomme o fole.

Oo, O a kgahliša!

¹⁶⁶ Mohumagadi šo o dutše thwi godimo pele ga gagwe fa, o dutše ka gare, feela morago nthathana gannyane. O rapediša yo mongwe gape. Morongwa wa Morena šole o eme hleng le yena. Gomme mogwera yola wa gagwe, yo a rapelago... a mo rapedišago, ga a dule mo. Ke ka go toropokgolo ye nnyane moo go nago le mehlare ye mentši ya mophane tikologong. Yeo ke Henryville, Indiana. Gomme o rapediša mogadibo wa gagwe yoo a nago le bothata bja pelo. A o ka kgona go e dumela? Ge o ka kgona go e dumela, o dutše morago kua, eba le tumelo ka go Modimo gomme o e amogela. Go lokile.

¹⁶⁷ Go lokile, mohumagadi. O mosetsebje go nna. Ga ke go tsebe, eupša Modimo o a go tseba. Ge o e dumela, phagamišetša seatla sa gago godimo, mohumagadi. Mohumagadi yo a rwelego digalase kua. Go lokile, yeo ke yona.

¹⁶⁸ O nagana eng? "Morena Modimo wa rena, Yena ke Modimo." Ga se A hwa. Ga se A hwa, eupša O a phela. Ga A phele feela, eupša O gona.

A ye ke . . . [Yo mongwe o re, "Ee."—Mor.]

¹⁶⁹ A re basetsebane seng sa rena, ke a nagana? Ye ke kopano ya rena ya mathomo, ke a nagana. Eupša Modimo o a re tseba bobedi. O boifa eng? Gomme tlogela go nagana ka yona menkgo le dinkgišamonate, le go ya pele. Eya kgole go tloga go yona. E no dumela Modimo. O no ba le yona ka monaganong wa gago. O ya morago gae gomme o fole, ge o e dumela.

¹⁷⁰ O bile le bothata tsoko. Ke a bona o tlide ka gare le go ya ka ntile ga sepetele; tee, pedi, makga a mararo, karo. Gomme seo e bile bakeng sa lelalegolo. Ke dišo, boka, ka go lelalegolo. Gomme ga o tšwe toropongkgolo ye. O Mokentuckian. Gomme o tšwa toropongkgolo ye ke bego ke le ka go yona, Campbellsville. Mdi. Vaughn, o boela morago, le go Le dumela. O ka kgona go ba le se o se kgopelago.

¹⁷¹ A o dumela ka pelo ya gago yohle?

¹⁷² O nyaka go ya go ja selalelo sa gago gomme o be ka godimo ga bothata bja mogodu? Go lokile, eya pele. O na le tumelo ka go Modimo.

¹⁷³ O nyaka go ya bokagodimo ga atheraithisi yeo gomme o dirwe go fola? E no ya pele ka tsela ya gago, e dumele.

¹⁷⁴ A o a dumela gore Modimo o tla fodiša bothata bjoo bja pelo? [Ngwanešu o re, "Nnete."—Mor.] Eya pele ka tsela ya gago. O a e dumela.

¹⁷⁵ Monna yo a dutšego thwi morago mo mafelelong, ka hempe ye tšhweli. Aowa, yoo ke Ngwanešu Funk. E no ba ka morago ga gagwe. O nyaka kolobetšo ya Moya wo Mokgethwa, a ga o? Go lokile. Ge o ka Le dumela, o ka O amogela. Amene.

¹⁷⁶ O nagana eng, mohumagadi yo monnyane a dutšego fa ka atheraithisi, a ntebeletšego ka sefahlegong? Wena, go tšwa Middletown, Ohio. O nyaka go e dumela? Yeo ke tumelo ye botse, bakeng sa motho yoo ebile a sego Mokriste. Ga o bolele go ba Mokriste. Yeo ke nnete. O a Mo amogela bjale bjalo ka Mophološi wa gago? O a Mo dumela gomme o tla Mo amogela bjalo ka Mophološi wa gago, Morena yo a tsogilego? Ga ke go tsebe. Ga se ka ke ka go bona. Yeo ke nnete. Eupša ge o ka Mo amogela bjalo ka Morena wa gago yo a tsogilego, gonabjale ka pelong ya gago, dibe tša gago di lebaletšwe, gomme Modimo o tla go fodiša. Phagamišetša seatla sa gago go Yena gomme o Mo dumele. Go lokile. Eya pele tseleng ya gago, gomme o hlalale.

Ke hlohla tumelo ya gago. Ke a go hlohla go e dumela.

¹⁷⁷ Re basetsebane seng sa rena, eupša Modimo o a go tseba. [Ngwanešu o re, “Ke a go tseba, eupša ga o ntsebe.”—Mor.] O a ntseba, eupša ga ke go tsebe. A ke yona? O a dumela gore Modimo a ka nkutollela seo o lego fa bakeng sa sona? [“Amene.”]

¹⁷⁸ Go lokile, ke ba bakae ba tla e dumelago?

¹⁷⁹ Oo, o ka kgona bjang go se dumele? A Modimo a ka se kgone... A Modimo o kile a bula mahlo a gago? Bontši bja lena batho fa le a ntseba. Ke godišitšwe le lena fa. Nka kgona bjang... Eyang morago tlase go kgabola bophelo bja ka, gomme le hwetše ge eba e ka ba eng e kilego ya bolelwa eupša ye e tlidego ka go phethagala go ba Therešo. E puruputšeng gomme le bone ge eba ke nnete.

¹⁸⁰ Gabotse, ke le botša eng? Jesu Kriste o tsogile go tšwa bahung. O a phela. O fa. Ye ke Paseka. Gomme e bile Paseka lebaka la mengwaga ye dikete tše pedi. Eupša Dietša tša mantšiboa di a phadima bjale. Se phadimile ka Bohlabela nako yeo, se phadima go tšwa Bodikela bjale.

¹⁸¹ Mohlomphegi, se se ka ya pele diiri. Ge monna a bolela gore ga ke mo tsebe... O mpone ka kgonagalo ka kopanong felotsoko goba lefelo le lengwe. Ga ke tsebe. Modimo o a dira. Ga ke tsebe. Ga ke tsebe mo ke ilego ka mmona. Ga ke tsebe ge nkile ka mmona. Eupša o rile o mpone. Ge Modimo a ka utolla go monna yola, se sengwe seo a se tsebago, feela boka Filipi a ile le go tšeа Nathaniele le go mo tliša, ke ba bakae ba tla rego, “E tla e ruma go ya go ile, go nna”?

¹⁸² A o ka swara seatla sa gago, gore ga ke go tsebe. E no phagamišetša diatla tša gago godimo ge ke sa go tsebe, ke sa tsebe selo ka wena. Ga ke tsebe selo ka wena, ga se ka ke ka go bona ka bophelong bja ka, bokgole bjo ke tsebago.

¹⁸³ Bjale, ge Modimo a ka fa se, ke ba bakae ba tla rego, “Ke tla Mo amogela thwi bjale bjalo ka Morena yo a tsogilego, bjalo ka mofodiši wa ka”?

¹⁸⁴ Go go fodiša, nka se kgone, mohlomphegi. Ga ke ne maatla go fodiša. Selo se nnoši ke nago le sona ke mpho yeo Modimo a ntumelelago go e dira.

¹⁸⁵ Gomme bjale go beng go lapa le go fokola, dipono tše di nyaka go mpolaya. Go befile kudu, go bothata kudu go feta go rera, goba go ema ka mogobeng. Go bothata. Eupša Modimo o lokile.

¹⁸⁶ O tlaišega ka se sengwe sa phošo sa mongetsana. Gomme seo ke sehloga, ba a go botša, godimo ga mongetsana wa gago. Yeo ke nnete tlwa. Bjale a o tla dumela?

¹⁸⁷ Bjale lebelelang. Bontši ke tla bolelago le monna, bontši bo tla bolelwa. Ke nyaka go le kgopela bjale, nno bang tlhomphokgolo. Ebang tlhomphokgolo. Wena rapediša yo

mongwe, gomme o bone ge eba Morena a ka e utolla. Ke tla kgopela e ka ba mang wa lena go dira selo sa go swana, go no ya go monagano wa gago.

¹⁸⁸ Gobaneng, le a bona, ga go selo ka go nna. Nka se kgone go le thuša. Ke nna motho.

¹⁸⁹ Gomme, eupša Jesu ke Modimo, gomme O gona. A ga le kgone . . . A mahlo a lena a bulegile go—go bona seo? A ga la lebelela go feta garetene, go bona? Lebaka la mengwaga ye dikete tše pedi, mo O bile; O boletše le wena, ka Lentšung; O boletše le wena, ka therong ya gago, gohle go bapela. Gomme šo Yena bjale, o itira ka Yenamong go bonagatšwa.

¹⁹⁰ Ke leka go go swara pelong ya ka. [Ngwanešu o re, “Mokokotlo wa ka o a ntshwenya.”—Mor.] Ee, ke go bona o hlahlobilwe. Se godimo ga mongetsana wa gago. Ke sehloga. Gomme o rapedisa mosadimogatša wa gago. Ge Modimo a ka mpontšha se e lego phošo ka mosadimogatša wa gago, a o tla ntumela bjalo ka moprofeta wa Gagwe? Ke ditsebe tša gagwe. E sego feela seo, eupša ke bona lesogana le tšwelela. Yoo ke morwa wa gago. Ge Modimo a ka nkutollela seo e lego bothata ka morwa wa gago, a o tla ntumela go ba moprofeta wa Gagwe? A batheeletsi ba tla e dumela? Šaatena, mo, ke seemo sa letšhogo le seemo sa letlalo. Yeo ke nnete tlwa. Seo ke O RIALO MORENA. A o a dumela o amogela se o se kgopelago? [Ngwanešu o re, “Amene.”—Mor.] Gona eya pele tseleng ya gago gomme o hlalale.

¹⁹¹ Ke ba bakae le dumelago ka pelo ya lena yohle?

¹⁹² Bjale ke nyaka le ntirele se sengwe. Beang diatla tša lena godimo ga lena seng, feela lebaka la motsotsso. Feel a ka ba kae le emego, beanang diatla tša lena go lena seng.

¹⁹³ A nako! A ga le kgone go bona, bagwera? A ga le kgone go kwešiša gore yo a ka se kgone go ba nna?

¹⁹⁴ Ee, mohumagadi yo monnyane o fale o rwele digalase, ka bothata bjola bja sesadi, go ntšha fale. Se tshwenyege ka gona, gape, o dutšego fale. Go fedile. E gotetša Seetša. E tlogile go wena.

¹⁹⁵ Sengwe se gona; Sengwe seo e lego sa kagodimogatlhago, Sengwe seo e lego sa kgonthe. O tseba dibe tša gago. O tseba tšohle ka wena. A Yena ga se Morena Jesu? Gona, ke a le botša. Ge ke le boditše seo go ba therešo, gomme O e netefaditše go ba therešo, ke le botša therešo bjale. Yo mongwe le yo mongwe wa lena a ka fodišwa thwi bjale, ge o ka no e amogela; e sego go tšwa hlogong ya gago, eupša go tšwa pelong ya gago. Ge o ka e rumu bjale, gore o ka Bogoneng bja Modimo mokgonatšohle, gore O gona bjale, ga go tlhokego go motho wa sekoka go tšwela ka ntle ga moago wo. Yo mongwe le yo mongwe wa rena a ka ya ntle a fodile ka go phethagala, ge le ka no e dumela. Ge A ekwa thapelo ya ka fa, O tla kwa thapelo ya ka ntle fale. Ga A kwe feela thapelo ya ka, O tla kwa thapelo ya gago.

¹⁹⁶ Bjale, Beibele e rile, “O a swana maabane, lehono, le go ya go ile.” O netefaditše seo. Beibele e rile, “O tsogile go tšwa bahung.” O netefaditše seo. A yeo ke nnete?

¹⁹⁷ Bjale ke nyaka go le botšiša sengwe. Jesu o boletše se, Mantšu a Gagwe a mafelelo pele A tlogela lefase, “Maswao a a tla latela bona ba ba dumelago.” Ke badumedi ba bakae ka fa? E reng, “Amene.” [Phuthego e re, “Amene.”—Mor.] O modumedi bjale. “Maswao a a tla latela bona bao ba dumelago. Ge ba bea diatla tša bona go balwetši, ba tla welwa ke maruru.” A tshepišo yeo ke therešo? Gabotse, le badumedi. Le na le diatla tša lena yo motee godimo ga yo mongwe. Ka gona, Beibele e a rereša.

¹⁹⁸ Bjale yo mongwe le yo mongwe wa lena rapelelang seng sa lena, feela ka tsela ye le dirago ka kerekeng ya lena beng. Beanang diatla tša lena seng sa lena, yo mongwe le yo mongwe rapelelang seng sa lena, ge le beana diatla seng sa lena bjale. E nong go rapelelang seng, ge ke rapela bjale.

¹⁹⁹ O Morena, ge O etla bošegong bjo le go amogela Kereke ya Gago, ga re na boitshwareletšo. O fa. Gomme bjalo ka ge seswantšho se se lekeletše mo lebotong, sa Pilara ya Mollo yeo e etilegopele bana ba Israele, O sa le Modimo wa go swana bošegong bjo, ka maatla a go swana le diponagatšo tša go swana. O tsogile go tšwa bahung, gomme ye ke netefatšo gore O tsogile go tšwa bahung. Bjale, Morena Modimo, dira mošomo wo mogolo ka dipelong tša batho. Lebalela sebe se sengwe le se sengwe, gomme fodiša bolwetši bjo bongwe le bjo bongwe. Araba dithapelo tša bona, Morena. Gomme bjale ekwa thapelo ya mohlanka wa Gago.

²⁰⁰ Bjale ke ahlola bolwetši bjo bongwe le bjo bongwe, letimone le lengwe le le lengwe, maatla a mangwe le a mangwe a diabolo; le go re go diabolo, “Tšwela ka ntle ga batho ba. Tšwela ka ntle ga bona, Leineng la Jesu Kriste, Morwa wa Modimo. Tlogela batho ba. Ba na le diatla tša bona yo motee godimo ga yo mongwe. Ke bahlanka ba Modimo. Tšwela ka ntle, Sathane. Ke a go laela, Leineng la Jesu. Tšwela ntle, gomme o lahleliwe ntle ka leswiswing, gomme o se sa ba tshwenya gape. Leineng la Jesu Kriste.”

²⁰¹ Ke ba bakae ba lena ba dumelago Modimo o le fodišitše feela bjale? Emelela ka maoto a gago. Ge o le segole, emelela go le bjalo. Yeo ke yona. A ga se ka le botša, le tla bona letago la Modimo? Ge go na le digole tše di itšego ka fa tše di sa kgonego go sepela, sepelang go rotoga le go theoga mokgoba. Ge go na le yo mongwe mo yo a bego a le sefowa ka tsebeng e tee, bea monwana wa gago ka tsebeng ya go loka gomme o kwe go tšwa go ye mpe. Mang kapa mang mo yo a bego a tlaišega, a be a sa kgone go phagamišetša seatla sa bona godimo; phagamela godimo. Kriste... Lebelelang go—lebelelang diatla di eya godimo, ba ba bego ba amegile ka seatleng sa bona. Amene. Ke rile O mo.

²⁰² Go lokile, Kgaetšedi Gertie.

O a phela, O a phela, Kriste Jesu o a phela
lehono!

O sepela le nna gomme O bolela le nna go
bapela ka tsela ye tshesane ya bophelo.

O a phela, O a phela, go fa phološo!

Le mpotšiša ke tseba bjang O a phela? O phela
ka gare ga pelo ya ka.

²⁰³ Gape, yo mongwe le yo mongwe!

O a phela, O a phela, Kriste Jesu o a phela
lehono!

O sepela le nna, O bolela le nna go bapela ka
tsela ye tshese ya bophelo.

O a phela, O a phela, go fa phološo!

Le mpotšiša ke tseba bjang O a phela? O phela
ka gare ga pelo ya ka.

²⁰⁴ A nke batheeletši ba bagolo ba ba re, “Haleluya!” [Phuthego e re, “Haleluya!”—Mor.] Morena o a phela! “Morena o a phela!” Tumišang Leina la Gagwe! “Tumišang Leina la Gagwe!” Haleluya! “Haleluya!”

O a phela, O a phela,

A re šišinyeng diatla tša rena go Yena.

. . . Jesu o a phela lehono!

O sepela le nna, O bolela le nna go bapela ka
tsela ye tshese ya bophelo.

O a phela, O a phela, go fa phološo!

Le mpotšiša ke tseba bjang O a phela? O phela
ka gare ga pelo ya ka.

²⁰⁵ Ke ba bakae ba ratago pina yela ya kgale, e reng, “Amene!” [Phuthego e re, “Amene!”—Mor.] Šikinya diatla le motho kgauswi le wena. E re, “Tumišang Morena! Tumišang Morena!” Tumišang Morena! Tumišang Morena!

Go lokile, *Tumelo Ya Ka E Lebelela Godimo Go Wena*. Oo, go thopša bjang- . . .

. . . tumelo e lebelela godimo go Wena,

Wena Kwana ya Khalibari,

Mophološi Mokgethwā;

Bjale nkwe ge ke rapela,

Tloša molato wa ka wohlē,

O ntumelele go tloga letšatši le

Go ba wa Gago ka moka!

²⁰⁶ A re inamišeng dihlogo tša rena bjale, ka tlhomphokgolo, ka Bogoneng bja mokgonatšohle le Ramaatlakamoka Modimo. A nke Morena Modimo a fe tšegofatšo ya Gagwe go yo mongwe le yo mongwe. A nke Morena a le šegofatše, yo mongwe le yo mongwe, wa go huma, a le fe bokaonekaone bjo bo lego gona. A

nke mogau wa Gagwe o khutše godimo ga lena, yo mongwe le yo mongwe a phagamišetšego bakeng sa phodišo ya bona. Le se tsoge la e gana. Ba bantši ba phološitšwe. Ba bantši ba amogetše Kriste. Kriste o utolla diphiri tša pelo.

²⁰⁷ Re le laletša morago, basetsebje, go tabarenekele ya rena, go thapelo ya rena.

²⁰⁸ Ke opetše feela nakwana ye nnyane, gore tlotšo yela e tla ba mohuta wa go ntlogela lebaka la motsotso, gore ke kgone go bolela. Ke thabile le be le mo. E bile letšatši le legolo go ba le lena. Modimo a le šegofatše.

²⁰⁹ Go tabarenekele, Lamorena la go latela bošego ke selalelo, go hlapišana maoto. E ka ba mang wa lena batho ka boagišaning bja rena, emang gomme le re bone. Re rapedišeng go fihla re kopana gape.

²¹⁰ A re inamišeng dihlogo tša rena bjale. Re ya go kgopela modiša, a tle gomme a re phatlalatše, goba a bolele se a se ratago.



BOHLATSE BJA TSOGO NST58-0406E
(The Evidence Of The Resurrection)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena la Paseka mantšiboa, Aporele 6, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org